

KA.nr.166/2013

DPK / DMP	03-1238/13
02	23.04.2013

GJYKATA E APELIT E KOSOVËS, në kolegin e përbërë nga gjyqtarët Mejreme Zekaj kryetare, Ramiz Kuqi dhe Ragip Namani anëtarë, me pjesëmarrjen e bashkëpunëtores, Sabahate Hoti, duke vodosur sipas ankesës të paraqitur nga e pandehura Vjollca Ahmeti , nga Ferizaji, kundër aktvendimit të Gjykatës Komunale për Kundërvajtje në Ferizaj, shifra 0599 RI nr.11531/2012 të dt.13.11.2012, në bazë të nenit 31 al. 3, 39 konform neni 222 të Ligjit për kundërvajtjet, më 25.02.2013, merr këtë:

A K T V E N D I M

Ankesa e paraqitur është e **BAZUAR**.

ABROGOHET aktvendimi i Gjykatës Komunale për Kundërvajtje në Ferizaj, shifra 0599 RI nr. 11531/2012 të dt.13.11.2012, dhe lënda i kthehet Gjykatës së shkallës së parë në plotësim procedure dhe rivendosje.

Nga një kopje të këtij aktvendimi duhet dorëzuar palëve.

A r s y e t i m

Gjykata Komunale për Kundërvajtje në Ferizaj, me aktvendim;shifra 0599 RI nr.11531/2012 të dt.13.11.2012, të pandehurën Vjollca Ahmeti, nga Ferizaji, e ka shpallur përgjegjëse: sepse deri me dt. 31.Mars 2012, nuk e ka bërë deklarimin e rregullt vjetor të pasurisë në cilësinë e këshilltares Komunale të K. Ferizajit , me çka kryen kundravajtje nga neni 5 dhe neni 6 par. 1 pika 1.2 e ndëshkueshme me nenin 17 par. 1 pika 1.2 të Ligjit nr.04/L-050, në vështrim të nenit 9 par. 1 të LK-së, është dënuar me gjobë në shumë prej 400€.

Me të njëjtin aktvendim e pandehura obligohet që në emër të shpenzime gjyqësore të paguaj shumën paushalle prej 5€.

Kundër këtij aktvendimi e pandehura Vjollca Ahmeti , ka paraqitur ankesë për shkak të vërtetimit të gabuar të gjendjes faktike me arsyetim se, pas ngritjes së procedurës kundërvajtëse nga agjencia ka marrë dijeni se ka qenë e obliguar ta deklaroi pasurinë pasi që më parë fare nuk ishte e informuar. Se me dt.01.11.2012, e ka dorëzuar deklaratën e saj për pasurinë . Se mënyra e informimit nga shërbimi i Kuvendit në Ferizaj ka qenë krejt e parregullt sepse me thënë të drejtën sjellin aq shumë materiale në seanca, sa fare nuk e kam vërejt formularin për deklarim të pasurisë të lënë nga zyrtari Naser Musa. Propozon që të anulohet aktvendimi dhe të lirohet nga gjoba.

Kolegji vlerësoi thëniet në ankesën e paraqitur, aktvendimin e goditur, si dhe shkesat tjera të lëndës dhe konstatoi sipas detyrës zyrtare se ankesa e paraqitur është e bazuar kurse aktvendimi i goditur abrogohet dhe lënda i kthehet Gjykatës së shkallës së parë në plotësim procedure dhe rivendosje.

Kolegji pas shqyrtimit të thënieve në ankesë, aktvendimin e goditur, si dhe shkresat tjera të lëndës konstatoj sipas detyrës zyrtare se ankesa e paraqitur është e bazuar për shkak se: diapozitivi i aktvendimi të goditur është konfuz dhe i paqartë në raport me vetveten si dhe me arsyetimin e tij, andaj si i tillë është përfshirë në shkelje esenciale të dispozitave procedurale përkatësisht ne shkelje të nenit 205 al.1 pika 1 të LK-së sepse; Përshkrimi i kundërvajtjës me të cilën ngarkohet e pandehura nuk është adekuat me dispozitat në bazë te të cilave ajo është shpallur përgjegjëse dhe është dënuar, ngase, neni 17 par. 1 pika 1.2 të Ligjit nr.04/L, - 050, e parashev përgjegjësin dhe sanksionin ne rastet kur personi nuk e bënë deklarimin e pasurisë **me rastin e marrjes së detyrës zyrtare**, kurse veprimet inkriminuese të përshkruara në diapozitivin e aktvendimit të goditur se "**Nuk e ka bërë deklarimin e rregullt vjetor të pasurisë**" e bëjnë diapozitivin kundërthënës që do të thotë se dispozita sanksionuese dhe përshkrimi i veprës janë në kundërshtim me njëra tjetrën. Nga ana tjetër e pandehura sipas kërkesës për hapjen e procedurës kundravajtëse ngarkohet me nenin 6 par.1.3,9 dhe 17 par. 1.3 i cili e sanksionon mosdeklarimin pasurisë **me kërkesë të agjencisë** që do të thotë se gjykata e shkallës së parë nuk iu ka përbajt kërkesës për hapjen e procedurës kundërvajtëse gjë që paraqet shkelje të nenit 134 al. të LK-së. Nga të cekurat më lartë rezulton gjithashu se edhe arsyetimi i aktvendimit të goditur është konfuz dhe i paqartë. Për arsyet e cekura më lartë, aktvendimi i goditur është i paqëndrueshëm nga se përmban shkelje esenciale të dispozitave procedurale, andaj si i tillë abrogohet kurse lënda i kthehet Gjykatës së shkallës së parë në plotësim procedure dhe rivendosje.

Si rrjedhojë e të cekurave më lartë edhe gjendja faktike ka mbetur e pavërtetuar.

Në plotësim të procedurës Gjykata e shkallës së parë, duhet të kryej këto veprime procedurale: që ta ftoj në mënyrë të rregullt parashtruesin e kërkesës dhe ta merr në pyetje me procesverbal për të dhënë sqarime se për cilin lloj të mosdeklarimit të pasurisë e ngarkon të pandehurën, sipas nevojës të nxjerrë edhe prova tjeta dhe pas eliminimit të shkeljeve esenciale të theksuara më lartë dhe pas vërtetimit të plot dhe të drejtë të gjendjes faktike të nxjerrë aktvendim të drejtë dhe të bazuar në Ligj, duke marrë për bazë edhe pretendimet e paraqitura në ankesën e parashtruar.

Konform të nenit 222 të Ligjit për kundërvajtjet, u vendos si në diapozitiv të këtij aktvendimi.

Kundër këtij aktvendimi nuk ka vend ankesë.

GJYKATA E APELIT E KOSOVËS.

AK.nr.166/2013 të dt.25.02.2013

Procesmbajtësja

Sebahate Hoti

KRYETARJA E KOLEGJIT,

Mejreme Zekaj